

漢城縣志

人	物	志	第 四 冊
烈	女	志	
藝	文	志	
拾	遺	志	



雙城縣志第十二卷目錄

人物志

鄉宦

鄉賢

忠義

孝友

文學

術藝

流寓

氏族

雙城縣志第十三卷目錄

烈女志

貞烈

節孝

雙城縣志第十四卷目錄

藝文志

碑銘

詩文

撰著

雙城縣志第十五卷目錄

拾遺志

金石

風景

變徵

物異

軼聞

餘錄

雙城縣志第十二卷

人物志

鄉宦

于學乾字易初占籍城南于家燒鍋屯以儒起家貧舌耕爲業年已九十六歲中清咸豐壬子舉人癸丑進士特賜翰林院檢討未仕學有淵源講學授生徒以敦倫常爲根柢崇實學不尚浮文遊其門多成名雋壽九十七歲以終誥封資政大夫焯堃學乾長子藍翎四品銜升用知府遇缺即選同知奏派總理五常堡民詞兼統帶吉林練防事宜誥授中憲大夫炳堃學乾三子同治丁卯舉人欽賜國子監學政揀選知縣藍翎四品銜奏派琿春邊防五路提調誥授中憲大夫 英懿學乾孫另紀志中

豐紳字漢文姓吳札拉氏隸雙城廂白旗咸豐二年從征江甯克復九伏州等處剿除薛成良截擊江皖大股逆匪由六品頂翎累升協領銜繼擒髮逆多名獲僞印三

雙城縣志
卷之四
人物志
顯保奏賞換花翎同治三年奉調歸化城防堵准補佐領轉調甘肅剿回逆克清水
堡下窰夏靈州兩都特疏首功以記名副都統用旋署寧夏副都統六年署寧夏將
軍繼補錦州副都統仍署寧夏將軍以辦兵糧功賞頭品頂戴上念南北捷後續
授黑龍江將軍蒞任卽披輿圖詢關卡考官册檢兵數牛馬台站次第清釐而急務
莫如練兵籌餉奏催各省協餉一百數十萬兩以充軍實江省軍務頗有起色舉凡
實邊防夷墾田儲餉興學育才皆有條制光緒五年調補綏遠將軍六年入覲賞騎
朝馬抵任卽整飭營伍撫綏游牧收獲斬游勇士匪地方賴以安靜十年調補江寧將
軍抵寧視事首先整頓錢糧操練軍馬任寧十餘年勤於訓練數被賜資二十年札
派總統神機營駐札京東二十一年撤防飭回本任總核在江南甘寧各省大小接
七百餘戰斬馘髮回逆賊一百餘名從戎四十七年卒年七十七二十八上諭劉
坤一等奏稱故將軍戰功卓著砥礪廉隅任內收支公款均係實用實銷並無糜削
浮冒豐紳平生戰蹟勤勞准其建立專祠並謚威壯以彰勳勩

托雲佈字瑞廷姓瓜爾佳氏雙城正紅旗人清咸豐三年從征山東剿髮匪五年從僧親王克復連鎮凱旋回旗八年再出血戰儀徵六合力克二縣截擊江皖並退援賊楊州肅清節次出力歷擢驍騎校賞戴花翎同治二年調蒙城縣援剿克巨逆苗沛霖老巢賜勇號三年調歸化城補驍騎校轉調甘肅進剿回逆充營總節節掃蕩轉戰而前餉糈不繼掘草爲食激以忠義士氣以振以疲乏當巨寇七晝夜連戰八捷追至寶豐克其城府加協領銜四年分勦黃河兩岸賊僞王孫義保僞帥馬生彥勢尤猖獗陣斬之克寧夏攻靈州身先士卒賊衆瓦解五年補協領加副都統銜六年調駐定邊縣因兵叛啓衅奏奪職七年奏調開復管帶開花炮隊在榆林府擊敗巨匪河防解嚴八年克王家疇殄王三法賞加頭品銜以副都統記名簡放十年統帶各隊進攻通貴堡生擒馬萬選寧夏河西回務完竣特賞穿黃馬褂授寧古塔協領十二年隨軍出關役苦餉艱軍務倥傯參贊戎政簡拔隊伍籌備糧運克輯懷烏魯木齊各城以智勇冠軍論功補授青州副都統嗎納斯巨匪負隅固守血戰六十

餘日掃穴擒渠天山以北一律肅清賞雲騎尉世職十一年傷發疾篤開缺歸旗後倡修學宮立義塾至今鄉里念之綜核轉戰中原及嘉峪關以內廿餘年身經百戰屢拔堅城西安伊犁將軍均倚之如長城關內外一時稱爲驍將遍體鎗刀鱗傷六七十處光緒十八年卒子三長喜勝官協領次全祿驍騎校次喜祿佐領襲世職二十二年奏附祀吉林省將軍金順專祠並於原籍建祠宇照所請行

富興字宏圃姓亮卓特氏雙城正黃旗蒙古咸豐八年由額委驍騎校從僧親王征稔累功授佐領旋克復河南歸德府破賊巢賞換花翎同治二年在信州尹家溝地方獲匪首張洛刑升委協領六年征山東賞換二品頂戴補三姓左翼協領六年轉阿勒楚喀協領光緒十二年調吉林廂藍旗協領並奏派爲吉林通省馬步全營翼長十六年以記名簡放副都統掌管全省軍務多年征稔時轉戰直隸山東河南各省所在立功性喜文士創修雙城孔子廟二十九年調五常堡協領卒於官壽七十四子西林保佐領

王成政金州漢軍也官佐領雙城屯田議遷金州旗戶開墾檄取成政護送旗丁並管理開墾事宜遂改爲吉林佐領兼行總管事成政到雙督飭屯丁搭蓋窩棚開闢地畝時爲屯丁割斷是非常徒步巡視勤惰遇有賭博即杖之蓋當時政尙清簡如是

常海姓瓜爾佳氏正黃旗滿州也由委防禦掌右司關防十餘年廉謹自持理詞訟恒終夜不寢每謂誤人一事卽遣子孫孽況貪婪乎嘗按獄見獄囚難禁酷暑令稍鬆械梏並減刑訊自奉儉約非公服未嘗服綺羅衣年老休致常以勤儉訓子孫人每道其惠政云

佟興字作人姓佟佳氏駐防京旗也同治四年官雙城總管值大股馬賊蔓延全省所到焚掠佟興有守土責挑民夫百餘欲與決戰商民恐不支堅請招徠佟興奮然曰戰則殃民迎亦辱我我寧拚棄一官決不迎賊遂隻身赴省請救意圖克復賊於五年正月入城商民簞壺迎之井市安堵未遭焚掠旗暑卷櫬竟焚燬殆盡佟興被

雙城縣志 卷二
議免官遂家於雙城隸廂黃旗子春林號蘭芳中式同治壬戌舉人即用知縣以孝養無人請改雙城繙譯筆帖式孫榮貴附貢生孫榮恩博士弟子員

達春字宮譜姓趙氏咸豐世由委筆帖式出征新疆以功賞戴花翎加三品銜記名佐領抽撤後奉差往省解送要犯中途乘間逃脫抵省請處分大府與有舊欲宥之正色曰國法烏可廢大府雖之遂參去其官回里後人爲之扼腕笑曰功名奚足惜十年後可仍博此頭銜時年三十一同治二年有事伊犁投効轉戰疆場十餘年以功開復原官晉加協領銜補雙城正藍旗佐領掌右司關防護理總管協領均能稱職前後在官十四年管理旗務暨訴訟事不畏權勢不循情面光緒十六年致仕旋卒壽六十一

恩科字聯瀛姓趙氏雙城廂白旗人由武生員中式光緒壬午舉人官大門侍衛升前清門三等侍衛甲午之役請從軍詔允之統吉林得勝營赴前敵和議成告請回籍晚年熱心公益地方事多所襄助民國初卒於家

祥德字星如姓吳札拉氏將軍豐紳之孫也由蔭生官奉天刑部司筆帖式光緒二十年辦理畿輔神機營文案有功保以知縣簽發奉天歷署海龍廳通判康平承德蓋平等縣知縣所在有聲署海龍時地處山陬盜賊頻擾乃自捐廉俸籌設保甲編練鄉團地方賴以乂安在蓋平任值日俄戰起地當兩軍之衝俄國通事滋擾尤甚祥德捕得將置之法俄武官數十輩代爲關說悉未允俄大員將威逼開釋比來已斬之矣俄員亦無如何遠近稱快焉有日本間諜二人潛入城邏執送署推誠相待且授以意旨縱之慮俄偵知俾役於晝夜捕得越城者二人繫之囹圄翌晨俄官果來索日偵出所捕二人以對俄官無以難始已迨俄軍敗北日本大山元帥進城一見便握手爲禮歎若平生揚言曰爲君故遲我兩點鐘進蓋平也蓋不忍驚君之百姓也綜其在奉屢膺繁劇之地措施咸合機宜識見過人有機警之才故蓋人有去思碑之建宜哉

于英綦字曉岑于易初太史之孫也由附生援事例報捐州同並捐花翎四品銜投

傳 卷 二
効吉林委辦哈爾濱交涉總局効力委員暨蜂蜜山荒務幫辦保以知州選用嗣投効黑龍江省委辦莫勒紅崗子荒務著有成效改署大賚縣知事在官勤求治理招徠墾戶實爲大賚創始之官曾膺雙城城董事會總董之選對於地方自治極力提倡如安設電燈電話輕便鐵路等皆與有力爲人瀟灑蘊藉平易近人有求必曲應之故人樂爲用民國五年卒六十一誥封資政大夫子琛澂官東三省陸軍第十旅旅長

錫廉字瞻忱姓瓜爾佳氏隸雙城廂白旗由恩貢生七品筆帖式免補知縣以知府留江候補歷署龍江臚濱等府知府在任廉潔自持弊絕風清民國二年授慶城縣知事慶多山盜賊充斥嚴定清鄉辦法並親督警團緝捕地方獲安訴訟隨到隨結案無留牘至今人猶道之曾報捐雙城中學學田地百晌與阮前廳創設雙城中學堂不稍懈庚子秋俄軍入雙與紳民協同和輯地方始免兵禍揆其行誼爲鄉望民福幾近之

王迺鄰字堯曦城南金錢屯人由附生考職分發黑龍江省補肇州廳巡檢辦理警察頗著成效爲人溫厚蘊藉士林欽慕工詩畫且諳音律當道多愛重之民國三年卒於任所遺筆迹至今人尙寶之

翟文選字羲人城西南地窖子人性剛方不苟阿家禁貧不諂澹如也嗜讀父業工拮据措束脩取進博士弟子員中式清光緒庚子辛丑併科舉人佐黑龍江戎機幕三十二年出爲安達廳通判安初設治凡治民政策皆所制定宣統元年升授呼倫廳同知邊徼政治事多棘掣盡心擘畫不稍懈民國元年赴中央會議要政回省後爲警察廳長掌警政時拏獲俄國間諜一名審實將置之法俄武員強索之不爲動旋我外交部許可俄軍且示威省城遂與宋都督徐民政司連袂去官民國二年被舉爲第二屆國會參議院議員九年政府簡任爲東三省鹽運使現任鹽運使職賢能卓著東三省財政倚重之十二年重修雙城孔子廟捐廉巨萬工程藉以完竣其扶教興學亦有足稱焉

王文燦字錦堂王守廉明經之子也由直隸法政學堂畢業官吏部主事黑龍江督軍署參事餘慶縣稅捐局局長爲人緘默寡言能援濟寒畯民國九年卒年四十一蔡運升字品珊正黃旗人由拔貢知縣歷充浙江撫幕黑龍江都督府參事秘書長巡閱使署首席參議北京政治會議議員黑龍江政務廳廳長國務院諮議吉林永衡官銀號總辦吉林實業廳廳長吉長道道尹外交部長春交涉員外交部特派吉林交涉員吉林財政廳廳長永衡官銀號監理官田賦局督辦濱江道道尹先後奉令獎給二等大綬寶光嘉禾章二等大綬嘉禾章二等文虎章並傳令嘉獎交政事堂國務院存記二次現任濱江道道尹職

趙憲章字晉卿原名法芬佈廂藍旗附生也父成銓官驍騎校委練軍營營總於清光緒二十八年冬擊股匪關明正陣亡於海旺窩棚憲章痛父心切誓以擊賊自任遂投於北洋高等巡警學堂畢業後充吉林第八分局巡官聞著名匪首常樂多年未獲派警偵知巢穴親往緝捕該匪連發數鎗抵死相拒憲章奮不顧身帶傷格鬪

卒獲之正法巡撫朱家寶親往慰勞並保以知縣歸部選用成銓亦隨案請卹嗣憲章迭獲巨盜累升爲省會警察廳廳長全省警務處處長在職十餘年實事求是經鎮安左將軍保以道尹交政事堂存記父子忠勇亦足爲里閭式

莫德惠字柳忱隸廂黃旗由附生畢業於北洋高等巡警學堂分發吉林充巡警西局局長轉哈爾濱警務局局長值松江暴漲岸幾潰決率民夫築隄晝夜督飭不遺餘力堤成高二丈長百餘丈民樂爲力未支正款嗣疫大作乃組織救急隊防疫所籌畫不稍懈民國二年被舉爲衆議院議員四年試署奉天雙山縣知事值蒙匪猖亂與士紳籌設保安隊分頭鎮撫民賴以安六年充清理吉林官產處處長旋中央任命爲永衡官銀號監理官八年調榆樹縣知事惠澤及民感頌恩德有口皆碑矣十年轉濱江縣知事十一年恢復爲衆議院議員在官勤求治理有循吏之風後升依蘭道道尹轉蒙藏院副總裁

伊雙慶字庚辰由附生畢業北京師範學堂投効黑龍江充省公署內務司科長累

遷林甸湯原等縣知事初林甸議設治大府卽任爲設治委員均林地闢草萊均手創之蘇濟民困獎勵商賈凡百粗具政聲頗著任湯原時土匪滋擾辦警團嚴清鄉鄉里安之前後在官苞苴不行洵能吏中之廉潔者

于琛澈字險舟于毓岑大令之子也狀貌魁梧饒有膂力畢業於北洋陸軍速成學堂初充黑龍江省巡防營哨官嗣以功升陸軍管帶官改充巡防營督操官轉任第二路幫統旋署第一路領統官勇於剿匪每戰必捷身先士卒後由陸軍騎兵第四旅第九團第三營營長升暫編陸軍騎兵第一旅第二團團長此後歷充本省陸軍團長以功升吉林暫編陸軍第一旅旅長改充第三旅旅長復改充東三省陸軍步兵第十旅旅長蕩平大股鬻匪商民稱頌民國十四年以戰功升任東北陸軍第十六師師長晉陸軍上將銜現仍任此職

唐安吉占城內西北維日本士官學校卒業官陝西礮兵團長

白斌安字錫九隸廂藍旗由附生畢業奉天法政學堂歷充黑龍江省地方高等審